



Broj: 10/E-11-1951/26-2
Sarajevo, **20-05-2026** . godine

Na osnovu člana 70. stav (1) i (2), i člana 72. stav (3) tačka a) Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Kabineta općinskog načelnika – Odsjek za javne nabavke, Općinski načelnik, donosi:

O D L U K U **o dodjeli ugovora drugorangiranom ponuđaču**

I Ugovor za nabavku usluga izrade dokumentacije i vršenje nadzora iz komunalne oblasti za **LOT 2 – vršenje nadzora nad projektima niskogradnje**, dodjeljuje se drugorangiranom ponuđaču **ENCOS d.o.o. Sarajevo**, koji je dostavio prihvatljivu ponudu broj: 17-129/26 od 03.04.2026. godine, sa ponuđenom cijenom u iznosu od **20.515,00 KM bez PDV-a**, odnosno **24.002,55 KM sa PDV-om** i rokom plaćanja **60 (šezdeset) kalendarskih dana**.

II Ova Odluka donosi se nakon što prvorangirani ponuđač **AB PLAN d.o.o. Sarajevo**, u ostavljenom roku definisanom Odlukom o izboru najpovoljnijeg ponuđača broj: 10/E-11-1951/26-2 od 08.05.2026. godine, nije dostavio dokaze o ličnoj sposobnosti iz tačke 7.1. i 7.1.2. tenderske dokumentacije, a shodno članu 45. Zakona o javnim nabavkama BiH.

III Ovom Odlukom stavlja se van snage i prestaje da važi Odluka o izboru najpovoljnijeg ponuđača broj: 10/E-11-1951/26-2 od 08.05.2026. godine, kojom je predmetna nabavka bila dodijeljena ponuđaču AB PLAN d.o.o. Sarajevo.

IV Izabrani ponuđač **ENCOS d.o.o. Sarajevo** dužan je da, u roku od 5 (pet) dana od dana prijema ove Odluke, na protokol Ugovornog organa dostavi dokaze o ličnoj sposobnosti iz tačke 7.1. i 7.1.2. tenderske dokumentacije, u skladu sa članom 45. Zakona o javnim nabavkama, u formi originala ili ovjerenih kopija.

V Ova Odluka stupa na snagu danom donošenja i objavit će se na internet stranici ugovornog organa (www.centar.ba), istovremeno sa upućivanjem obavještenja ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

O b r a z l o ž e n j e

Postupak javne nabavke usluga izrade dokumentacije i vršenje nadzora iz komunalne oblasti, pokrenut je Odlukom Općinskog načelnika o pokretanju postupka javne nabavke, putem otvorenog postupka, broj: 10/E-11-1951/26 od 06.03.2026. godine.

Predmet nabavke podijeljen je na LOT-ove kako slijedi:

- LOT 1 – izrada projekata niskogradnje
- LOT 2 – vršenje nadzora nad projektima niskogradnje

Ukupna procijenjena vrijednost javne nabavke, za LOT 2 – vršenje nadzora nad projektima niskogradnje, iznosi 50.000,00 KM bez PDV-a.

Obavještenje o nabavci: 848-1-2-49-3-83/26 od 16.03.2026. godine, objavljeno je na Portalu javnih nabavki (www.ejn.gov.ba).

Komisija za nabavku roba, usluga i radova II (u daljem tekstu: Komisija II), imenovana Rješenjem Općinskog načelnika broj: 10-45-150/26 od 06.03.2026. godine, dostavila je Općinskom načelniku Zapisnik o pregledu i ocjeni ponuda broj: 10/E-11-1951/26-2 od 07.05.2026. godine, sa preporukom o izboru privrednog društva AB PLAN d.o.o. Sarajevo kao najpovoljnijeg ponuđača za predmetne usluge - LOT 2 – vršenje nadzora nad projektima niskogradnje.

U Zapisniku o pregledu i ocjeni ponuda konstatovano je da je Komisija II blagovremeno i pravilno izvršila javno otvaranje, pregled i ocjenu pristiglih ponuda, o čemu je sačinila odgovarajuću dokumentaciju u kojoj je utvrđeno sljedeće:

- da je u predmetnom postupku javne nabavke zaprimljeno 7 (sedam) ponuda;
- da nije bilo neblagovremeno dostavljenih ponuda;
- da je ponuđač PROTEHNIK d.o.o. Istočno Sarajevo diskvalifikovan, s obzirom na to da je utvrđeno da imenovani ponuđač nije preuzeo tendersku dokumentaciju u skladu sa odredbama Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na Portalu javnih nabavki („Službeni glasnik BiH“, broj 80/22);
- da su ponude ponuđača: IPSA INSTITUT d.o.o. Sarajevo, ENCOS d.o.o. Sarajevo, TRASA d.o.o. Sarajevo, Institut za građevinarstvo „IG“ d.o.o. Banja Luka, SMAJIĆ-INŽENJERING d.o.o. Goražde i AB PLAN d.o.o. Sarajevo, ocijenjene kao formalno-pravno, tehnički i ekonomski prihvatljive, s obzirom na to da su ponuđači dostavili sve tražene dokaze u skladu sa tenderskom dokumentacijom, čime su potvrdili ispunjenost uslova kvalifikacije i kriterija za dodjelu ugovora;
- da je rangiranje ponuda izvršeno u skladu sa potkriterijima za bodovanje urednih i prihvatljivih ponuda.

Svi ponuđači koji su učestvovali u postupku javne nabavke su, blagovremeno i na način utvrđen tenderskom dokumentacijom, obaviješteni o izboru najpovoljnije ponude, a u skladu sa članom 71. Zakona o javnim nabavkama. Izbor je izvršen primjenom kriterija za dodjelu ugovora – „ekonomski najpovoljnija ponuda“, koji je definisan u obavještenju o nabavci i tenderskoj dokumentaciji.

U skladu sa članom 71. stav (2) Zakona o javnim nabavkama BiH, svim ponuđačima je uz Obavještenje o rezultatima postupka dostavljena Odluka o izboru broj: 10/E-11-1951/26-2 od 08.05.2026. godine, kao i Zapisnik o pregledu i ocjeni ponuda broj: 10/E-11-1951/26-2 od 07.05.2026. godine.

Nakon prijema Obavještenja i Odluke o izboru, prvorangirani ponuđač AB PLAN d.o.o. Sarajevo nije u ostavljenom roku (u skladu sa tačkom II dispozitiva Odluke), dostavio Ugovornom organu originale ili ovjerene kopije dokaza o ličnoj sposobnosti iz tačaka 7.1. i 7.1.2. tenderske dokumentacije, a shodno članu 45. Zakona o javnim nabavkama BiH. Navedenim dokazima ponuđač je bio dužan potvrditi tačnost podataka navedenih u Izjavi o ispunjenosti uslova iz člana 45. stav (1) tačke od a) do d) Zakona, što u konkretnom slučaju nije učinjeno.

S obzirom na navedeno, Ugovorni organ je, primjenom člana 72. stav (3) Zakona o javnim nabavkama BiH i u skladu sa tačkom 9.6.3. tenderske dokumentacije, ponudio zaključivanje ugovora drugorangiranom ponuđaču **ENCOS d.o.o. Sarajevo**.

Aktom broj: 10/E-11-1951/26-2 od 18.05.2026. godine, od navedenog ponuđača zatražena je pisana saglasnost za zaključivanje okvirnog sporazuma za predmetne usluge. Ponuđač ENCOS d.o.o. Sarajevo je dopisom broj: 17-192/26 od 19.05.2026. godine dao pisanu saglasnost za prihvatanje i potpisivanje okvirnog sporazuma o pružanju usluga izrade dokumentacije i vršenje nadzora iz komunalne oblasti za **LOT 2 – vršenje nadzora nad projektima niskogradnje**.

Drugorangirani ponuđač će predmetne usluge pružati po cijeni navedenoj u ponudi broj 17-129/26 od 03.04.2026. godine i rokom plaćanja 60 (šezdeset) kalendarskih dana, što ujedno predstavljaju dva vrednovana kriterija.

Iz navedenih razloga, a primjenom člana 72. stav (3) Zakona o javnim nabavkama BiH, Ugovorni organ je stavio van snage prethodnu Odluku o izboru najpovoljnijeg ponuđača broj: 10/E-11-1951/26-2 od 08.05.2026. godine, te utvrdio obavezu drugorangiranog ponuđača ENCOS d.o.o. Sarajevo da dostavi dokaze o ispunjavanju uslova iz člana 45. Zakona o javnim nabavkama BiH.

Cijenjeći naprijed navedene činjenice i utvrđeno činjenično stanje, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH”, broj 39/14, 59/22 i 50/24). Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.



Dostaviti:

1. Ponuđaču: IPSA INSTITUT d.o.o. Sarajevo
ulica Danijela Ozme br. 4, 71000 Sarajevo
2. Ponuđaču: ENCOS d.o.o. Sarajevo
ulica Put života bb, 71000 Sarajevo
3. Ponuđaču: PROTEHNIK d.o.o. Istočno Sarajevo
ulica Vojvode Radomira Putnika br. 118, 71123 Istočno Sarajevo
4. Ponuđaču: TRASA d.o.o. Sarajevo,
ulica Stjepana Tomića br. 3, 71000 Sarajevo
5. Ponuđaču: Institut za građevinarstvo „IG” d.o.o. Banja Luka
ulica Kralja Petra I Karađorđevića 92-96, 78000 Banja Luka
6. Ponuđaču: SMAJIĆ-INŽENJERING d.o.o. Goražde
ulica Zaima Imamovića bb, 73000 Goražde
7. Ponuđaču: AB PLAN d.o.o. Sarajevo
ulica Tešanjaska br. 24a, 71000 Sarajevo
8. Službi za stambene i komunalne poslove
9. Kabinetu općinskog načelnika – Odsjek za javne nabavke
10. Službi za finansije
11. U spis